



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

8 An conscientia speculative dubia circa factum, possit esse regula operandi.

**urn:nbn:de:hbz:466:1-39908**

practicè deponi debet, vt quis rectè operetur; nec prudenter deponi potest, nisi detur aliqua ratio illud deponendi; Cum ergo Titius, nullam rationem haberet illud prudenter deponendi, & vni parti potius adhærendi, quām alteri; neque prudenter potuit, vni parti potius, quām alteri Adamantem applicare, alterā omnino exclusā, sed diuidere debuit, vel alio modo satisfacere parti, cui Adamantem non tribuit.

## COROLLARIUM.

**16** C Olligitur ex dictis; Dubium speculatum, impediri aliquando, ne generet practicum; Cum enim actus humani versentur circa singulata; dari

possint aliquando, in singularibus, aliquæ circumstantiæ particulates, ratione quarum facere licet, quod in communi, & præscindendo ab illis circumstantijs, non esset licitum: Sic licitum est Infirmo, ratione infirmitatis, carnes comedere, die Veneris, quod ei, seclusa infirmitate, non esset licitum; In his ergo casibus, quando datur ratio aliqua persuadens, hic & nunc, operationem esse licitam, tunc practicè deponere quis potest dubium speculatum, & contra illud operari; Aliqua tamen ratio saltem probabilis ad hoc, necessario requiritur, quia alias dubium, temere, & non prudenter deponeretur.

## QUAESTIO VIII.

*An conscientia speculatiue dubia circa factum, possit esse regulæ operandi.*

## C A S U S.

**1** T ITIUS, dum circa medium noctem comederet; dubitauit, an media nox adhuc esset elapsa; Cumque, adhibita diligentia, certificari non potuisset; cum hoc dubio, die sequenti ad Eucharistiam accessit; Quæritur; Vtrum mortaliter peccauerit.

## S V M M A R I P M.

- 8 Factum in dubio non presumitur, sed probari debeat.
- 9 Dubium, cum post debitam diligentiam vinci non potest, equiualeat ignorantia insuincibili.
- 10 Titius, cum dubio media noctis, ad Eucharistiam accedens, non peccauit.
- 11 Cum dubio speculatio formari potest indicium practicum certum.
- 12 Dubium facti trahit secum dubium iuris.

13 In dubio facti, præceptum non est in possessione obligandi.

14 Præceptum, in dubio obligationis, non obligat.

15 Dubium superueniens, certa rei possessione spoliare non potest.

16 Factum dubium, post debitam diligentiam, innuincibiliter ignoratur.

17 Possessio non stat pro obligatione, quando eius incepit est incerta.

18 Dubitans, an media nox sit elapsa, non dubitat, an sit ieiunus.

19 Hoc



- 19 Hoc rationabiliter præsumit.  
 20 Habens ius ad aliquid, propter solum dubium, illo spoliari non potest.  
 21 Cum dubio media noctis, habere potest certudo ieinnij.  
 22 Dubius de iejunio à culpà, ad Eucharistiam accedere non potest.  
 23 Dubium speculatum, fieri potest prædictum certum.  
 24 An, & quando, in dubijs, tutior pars sit eligenda.  
 25 Post adhibitam debitam diligentiam, qualibet pars est aequa tuta.

## RATIONES DUBITANDI.

- 2 DE dubio facti, est specialis difficultas, an dari possit ratio sufficiens, ad illud prudenter deponendum; Videtur enim, dari non posse; Ideoque, Titium, ad Eucharistiam, cum eo dubio, accedentem, mortaliter peccasse, ita Sanch. lib. 2. matr. d. 41. n. 40. Bonac. de contract. d. 1. quæst. 2. p. 2. Salas, l. 2. tom. 2. tr. 8. d. 1. sec. 25. nu. 263.  
 3 Primò: quia præceptum sumendi Eucharistiam ieunè, semper obligat: Ergo qui, dum accedit ad Eucharistiam, dubitat, an sit iejunus, dubitat, an violet præceptum sumendi Eucharistiam ieunè: Cum ergo Titius, antecedenter ad præceptum, nullam haberet possessionem, ratione cuius, formate sibi posset judicium practicum, quod illi liceret, ad illam sic accedere; accedendo peccauit; possesso enim erat pro præcepto.  
 4 Secundò: Quia, qui dubitat, an sit iejunus, dubitat, an sit dignus. Sed qui dubitat, an sit dignus, non potest ad sacramentum accedere sine culpà, se enim exponit periculo accedendi indignè: Er-

gò, qui dubitat, an sit iejunus, ad Eucharistiam accedere non potest sine culpà, sed probare priùs debet, se esse ieenum, & tunc de pane illo edere, & de calice bibere.

Tertiò: Quia qualitas non præsumitur, nisi probetur, ut optimè probat Menoch. consil. 35. n. 21. Sed ieenum est qualitas, siue conditio ad Eucharistia susceptionem necessaria: Ergo non præsumitur, nisi probetur; Qui autem dubitat, probare non potest.

Quartò: Quia, volens beneficium Ecclesiasticum acquirere, probare debet, se esse legitimum; & volens ad sacros ordines promoueri, probare debet ætatem ad illos requisitam; Ergo etiam, volens recipere Eucharistia beneficium, probare debet ieenum naturale; Non minus enim hoc ad Eucharistiam suscipiendam requiritur, quam ætas ad ordines, & esse legitimum, ad beneficium.

Quinto: Quia Ad Eucharistiam suscipiendam, non minus requiritur, esse ieenum à cibo, & potu in corpore, quam esse ieenum à culpà, in anima: Sed ad dignè accedendum, requiritur, ut accedens certò sit iejunus à culpà, in anima: Ergo etiam requiritur, ut certo sit iejunus à cibo, & potu, in corpore; Sicut ergo peccarer, qui accederet dubius de iejunio à culpà; ita peccabit, qui accedit dubius de iejunio à cibo, & potu.

## NOTABILIA.

A Ducentum est primò: Factum, quamdiu est dubium, hoc peculiariter habere in foro externo, ut nunquam, per se loquendo, præsumatur, sed habeatur pro non facto, quamdiu non probatur; L. (enim) in bello; §. facta. ff. de Captiuis,

H 3

&amp; post-

& postliminio reuersis dicitur; Factum in dubio non presumitur, nisi probetur. Cuius rei ratio est, quia factum dubium, quandiu non probatur, ignoratur; factum autem ignoratum, in ordine ad nos perinde omnino est, ac si factum non esset; ideoque, nec ullum omnino effectum moralem parere, aut relinquere potest. Cum autem Forum internum semper sequatur externum, quandiu externum non inititur falsa presumptione; sequitur, quod etiam in Foro interno factum dubium, per se loquendo, non presumatur, quandiu non probatur. Hinc autem sit, ut quoties non probatur, rationabiliter presumatur non factum, & consequenter, quod in dubio facti cumque eodem modo operari liceat, ac si factum non esset; unde sit, ut presumptionis ratio sufficientissima practice deponendi dubium speculatum circa factum.

9 Aduertendum est secundo: Dubium speculatum, sicut essentialiter supponit ignorantiam rei, de qua dubitatur; ita, si post adhibitam debitam diligentiam tolli non possit, æquivalere ignorantiae iniucibilis; verè enim vincere non potest; ideoque, eodem prols modo posse quemlibet operari, ac si rem, de qua dubitat, iniucibiliter ignoraret. Diligentia enim adhibita tunc est ratio sufficiens dubium rationabiliter practice deponendi, & contra illud operandi. Hec autem duo principia, mirum est, quot scrupulis libarent. A Prudentiā enim formari possunt hi syllogismi certi, & euidentes: *Res, qua rationabiliter presumitur, esse propria, retineri licite potest; sed res, qua possidetur, & de qua dubitatur, sed non constat, esse alienam, rationabiliter*

ter presumitur esse propria, ut constat ex dictis. Ergo retineri licite potest: Item, Licet ponere actionem, quæ iniucibiliter ignoratur, esse prohibita. Sed quoties datur dubium de prohibitione, & post adhibitam debitam diligentiam vincere non potest, actio iniucibiliter ignoratur esse prohibita. Ergo non obstante dubio, eam ponere licet. His ergo positis,

## RESOLVTIO.

R Esp. Titium cum eo dubio, ad Eu- 10 charistiam accedentem mortaliter non peccasse; ita Joan. Sanch. disp. 42. num. 9. Emanuel Sà. v. Euch. num. 28. Medina in sum. declar. 3. §. 42. Layman, lib. 1. tr. 1. cap. 5. §. 4. num. 36. Vasq. d. 65. c. 3. & alii apud istos.

Primò: Quia Titius, cum dubio speculatio de mediæ noctis horæ, formare potuit iudicium practicum, quod sibi esset licitum, ad Eucharistiam accedere; Cum enim dubium esset facti, an media nox elapsa esset, vel non elapsa, sic potuit ratiocinari: Factum, in dubio, non presumitur, nisi probetur; sed probari non potest, medium noctem iam esse elapsam; Ergo rationabiliter presumitur, non esse elapsam. Potest autem hac rationabiliter presumptione, accedere possum, quia sum naturaliter ieunus; Ieunium enim naturale, ad Eucharistiam non requiritur, nisi à mediæ nocte,

Secundò: Quia, qui die Iouis come 12 dit carnes, dubitans, an media nox effluixerit, non violat præceptum abstinentiæ à carnibus; dubium enim est, an tunc tale præceptum urget; Sed est etiam dubium, an tunc urgeat præceptum ieunij



ieiunij naturalis. Ergo neque violabit præceptum ieiunij naturalis; ideoque poterit, tanquam ieiunus, ad Eucharistiam accedere; hac enim duo præcepta quoad modum obligandi non differunt.

**23.** Tertiò: Quia, si quis haberet præceptum ieiunandi die crastinâ, ieiunio naturali, & hodie dubitans de media noctis horâ, comedederet; per talem comeditionem ieiunium naturale non violaret; præceptum enim non esset, pro tunc in possessione obligandi. Ergo neque per talem comeditionem, redditur ad Communionem inhabilis; In tantum enim reddetur inhabilis, in quantum, per illam comeditionem præsumeretur ieiunium naturale soluisse. Sed non præsumitur, ieiunium naturale soluisse. Ergo non redditur ad Communionem inhabilis.

**24.** Quartò: Quia, idem est, dubitare, an media nox effluxerit, ac dubitare, an desierit dies hodierna, ac incepserit crastina, & consequenter, an incepserit obligatio præcepti de ieiunio naturali: Sed quando est dubium de obligatione præcepti, præceptum non obligat, quia in hoc dubio, tota possessio est pro libertate Voluntatis, quæ est certa; Ergo, in dubio de media noctis horâ præceptum ieiunij naturalis non obligat, ideoque nec violatur; & consequenter potest sic dubitans ad Eucharistiam, tanquam ieiunus, accedere.

**25.** Quinto: Quia, qui rem aliquam possidet, si ei dubium superueniat, an res illa sit sua, & adhibitâ diligentia dubium vincere non possit ratione certæ possessionis, ut potest illa, tanquam sua, nec ob dubium superueniens spoliari potest, aut debet certa possessione, quam habet:

sed homo est in possessione communicandi. Ergo, ob dubium superueniens, an media nox effluxerit, vel non effluxerit, hac possessione spoliari non debet; Cum præsertim, stante hoc dubio, adhuc rationabiliter præsumere possit, se esse natura-

liter ieiunum, eo quod sit dubium facti.

Sextò: Denique, quia unusquisque licet ad Eucharistiam accedere potest, quoties inuincibiliter ignorat, dari impedimentum; sed quoties comedens dubitat, an media nox effluxerit, & adhibitâ debitâ diligentia certificari non potest, inuincibiliter ignorat, esse elapsam, & consequenter dari impedimentum; Ergo comedens, post adhibitam debitam diligentiam, non obstante tali dubio, ad Eucharistiam accedere potest. Cum ergo Titius supponatur, debitam adhibuisse diligentiam ad cognoscendum, an media nox esset elapsa, neque de hoc certificari potuisse, licet ad Eucharistiam accedere potuit, ideoque accedendo non peccauit.

#### OBJECTIONVM SOLVTIO.

**A**D rationes contrarium Respondetur;

Ad primam, Negatur Antecedens, Præceptum enim ieiunii naturalis, intelligentur incipere obligare; solum à media nocte, sicut præceptum ieiunij Ecclesiastici; unde, in dubio de media nocte, non pro præcepto, cuius incepit obligationis est incerta, sed pro libertate certa stat possessio; Hoc ergo potuit dare Titio fundamentum sufficiens formandi iudicium practicum, quod sibi liceret ad communionem accedere, & se reputare ieiunum.

Ad Secundam Resp. Titium non dubitasse, an esset ieiunus, sed, an media nox effluxisset: Cum hoc autem dubio, rationabiliter præsumere potuit, se esse ieiunum

18

nunq[ue] præsumere potuit, medium noctem nondum effluxisse, eo quod factum, in dubio, non præsumatur, nisi probetur.

19. Ad Tertiam similiter Resp. Tidem non dubitasse de iejunio, sed illud sufficienter probasse ex præsumptione, quod media nox non esset elapsa, quia erat dubium facti.

20. Ad Quartam Resp. primò: Eo ipso, quod non probatur, medium noctem fuisse elapsam, probari sufficienter, iejunum naturale, ex præsumptione; eo enim ipso, præsumitur, medium noctem non fuisse elapsam, quia factum non præsumitur, nisi probetur; unde consequenter etiam præsumitur, iejunum naturale non solum fuisse solutum.

21. Resp. tamen secundò, disparitatem esse, quia beneficium, & ordines, sunt merus favor, ad quem, nullum datur ius. At Eucharistia; ita est favor, ut ex Divina benignitate, detur nobis ad illum ius, Quoties autem datur ius ad aliquid, nemo, propter solum dubium superueniens, illo spoliatur, sed constare debet de causâ: Cum ergo non constet de solutione iejunij naturalis, spoliari non debemus iure ad Eucharistiam accedendi, cum simus in illius possessione; Nam etiam Filius, qui est in possessione suæ legitimatis, propter dubium superueniens de illegitimitate, non impeditur, ne hereditatis sit particeps cum aliis filijs legitimis.

22. Resp. Tertiò: Ad Eucharistiam requiri, ut probetur solum possessio iejunii naturalis, sicut ad beneficium, probari debet solum possessio legitimatis. Possessio autem certa iejunii, stare potest cum dubio, an medià nox sit elapsa; Ad

ordines verò requiritur probatio ætatis, quia ætas, cum sit quid facti, non præsumitur, nisi probetur.

Ad Quintam Resp. Obligationem ad 23 iejunum à culpa, cum sit absoluta, & semper obliget, esse certam, post medium noctem, sicut etiam, post medium noctem, est certa obligatio ad iejunum à cibo, ac potu; unde possessio tunc stat pro præcepto, cuius obligatio est certa, non verò pro excusatione, quae est dubia. Quare, sicut, si quis mandos abluendo, dubitaret, an iejunum naturale soluisset, tenebatur à communione abstinere, quia tunc possessio stat pro præcepto, quod est certum, non verò pro libertate; Ita qui dubitat de iejunio à culpa, abstinere debet, quia possessio stat pro præcepto certo, non verò pro innocentia incertâ. Resolutio tamen melius adhuc patebit inferius.

#### COROLLARIA.

**C**olligitur ex dictis primò; sicut opilio speculatiue probabilis, fieri potest improbabilis practice, per hoc, quod eius usus, vel sit prohibitus, vel aliquod afferat inconveniens; ita è contra, dubium speculatiuum, fieri posse practice certum, actutum, per hoc, quod detur aliqua ratio, ipsam proxim, sive operationem honestans; sicut enim, non obstante probabilitate speculatiua, prohibitio certa, vel inconveniens, habet vim reddendi proxim illicitam; ita è contra, ratio certa, ac prudens, habet vim reddendi licitam proxim, non obstante dubio speculatiuo. Quare, sicut, quamvis speculatiue probabile sit, aquam ex sale



sale resolutam, esse materiam sufficien-  
tem Baptismi; quia tamen, extrâ casum  
necessitatis, & datur Ecclesiæ prohibi-  
tio, & proximi salus periculo exponitur  
huiusmodi aqua, ad baptismum, licite  
adhiberi non potest; Ita e contrâ, quam-  
uis speculatiue dubium sit, an media  
nox sit elapsa; ad Eucharistiam tamen  
accedere licet, quia datur rationabilis  
præsumptio, quod elapsa non sit, &  
consequenter, quod ieunium naturale,  
ad illam requisitum, solutum non sit:  
Ex hac autem præsumptione oritur iu-  
dicium Prudentiæ certum, & infallibile  
de rectitudine operationis.

**25** Secundo; Quinam sit legitimus sensus  
illius vniuersalissimi Axiomatis, a qui-  
busdam recentioribus perperam intelle-  
cti. In dubijs, tutior pars est eligenda:  
e. iuvenis de spons. vel illius ex c. si quis.  
dis. 7. de pen. Tene certum, & dimitte  
incertum. Nam primo intelligenda sunt  
de dubio, ac incertitudine practicâ; cum  
in dubio practico, peccandi periculo se-  
quis exponat, nec ullam habeat certam  
regulam operandi; non vero de dubio  
speculatiuo, quando datur aliqua ratio  
illud prudenter practice deponendi; tunc  
enim datur Prudentiæ dictamen, sive  
iudicium certum de rectitudine opera-  
tionis, vt dictum est; & consequenter  
regula infallibilis operandi; quâ posita,  
sicut impossibile est, aliquem peccare,  
ita impossibile est, peccandi periculo se-  
exponere, ideoquè non datur amplius  
pars minus tuta, sed vtrâque sit æque

tuta, cum, in impossibili non detur  
magis, aut minus.

Tertiò; Eadem principia, vniuersa-  
liter etiam intelligi posse, de omni du-  
bio, antequam debita diligentia, ad il-  
lud expellendum, sit adhibita; tunc enim  
dubium, sicut obligat ad inquirendum  
de lege, ut vitetur periculum transgres-  
sionis; ita, propter eandem rationem,  
obligat ad partem tuitiorem amplecten-  
dam. At, post debitam diligentiam,  
cum æquivaleat ignorantiae inuincibili,  
vt dictum est; non obligat amplius ad  
partem tuitiorem sequendam, quia iam  
non datur amplius pars formaliter tutior,  
aut minus tuta; cum enim implicet,  
eum, qui legem inuincibiliter ignorat,  
contrâ legem peccare, in ipsâ impossibi-  
litate transgressionis non datur magis  
aut minus. Hæc autem sunt valde no-  
tanda, quia, his semel intellectis, ces-  
sat statim omnis difficultas in hac mate-  
ria; & ex horum ignorantia quidam,  
non distinguentes inter dubium specula-  
tiuum, ac practicum; nec inter dubium  
ante, & post adhibitam diligen-  
tiam; communem omnium Theologo-  
rum doctrinam, tanquam animarum sa-  
luti perniciosam, immerito damnant;  
cum tamen, & certissima sit, & Sacro-  
rum Canonum, ac Sanctorum Patrum  
sensui, omnino conformis, vt doc. Laym.  
lib. 1. tr. 5. c. 5. §. 4. n. 38. plures au-  
tem casus particulares inferius afferemus  
q. 12. dum ostendemus, dubium facti  
nullam omnino parere obligationem.